


新疆大記

因是閣遺書之一

合肥闕鳳樓仲韓



道里記上

天山南路

安西州

東至肅州 西至流沙 南至南山 北至哈密 東至三道溝 西至蘆草溝 南至南山 北至半池泉

安西州漢敦煌地治在嘉峪關西六百五里距京師六千三百十里治之東七

十里爲小灣堡

經乾溝安家窩踰河而至

又五十里雙塔堡

雍正六年築城西南境有雙塔故名又西三十里地名渠口

又四十

里古朗吉

舊音布隆吉地多檉柳有泉初爲安西鎮城後改柳溝衛治今廢其西爲窟窿河東爲十道溝

又七十里柳溝堡

即四道溝 康熙五十

七年建柳溝所雍正五年升衛移治古朗吉改舊所爲堡是爲安西東境

自此北行四十里爲灣橋堡

由此西北行九十里爲東黃蘆岡又九十里尖

山子又九十里茨窩泉又九十里東長流水又一百里白茨灘又一百里馬蓮井別自東長流水西北行五十里青山子又七十里烏拉天泉又北七十里蘆岡泉接哈密界

治之西

九十里爲百齊堡

漢廣至縣地在新瓜州西北六十里雍正十三年移城於此西北三十里爲舊堡又北爲火燒林其東十里爲梧桐林

治之西南

三十里爲新瓜州 舊爲安西衛治雍正十三年築正堡居內附之回民別於頭堡數里之內改築新瓜州城以鎮撫之 又西十五里爲古

瓜州 有城 又西四十里蘆草溝 與敦煌之甜水井接界 治之南九十里爲踏實堡 晉新鄉縣地南倚南山東

北有特布忒河其西百里爲樹溝又西接敦煌界 迤東五十里苦峪 有土城東南境平地下峪頃東北二百里舊有河通蘇賴昌馬兩河會合處今涸 自此

折西南行至石包城 在山谷間北距治二百九十里壘石爲城有藥泉 城北五里爲得勝塾又一百五十

里紅柳園又八十里大泉又西北九十里爲馬蓮井 爲安西北境北接哈密之星星峽路當孔道

(建置) 我朝定鼎瓜沙以西咸屬邊外赤金安西沙州皆舊所靖逆衛柳

溝所康熙五十七年始設雍正三年置安西鎮 安西同知初治古朗吉六年建安西鎮于大灣移治新城 領靖

逆 初註通判領柳溝所三年改隸安西廳 柳溝赤金安西沙州五衛所十三年土爾番酋長額敏

和卓率所部回民來附以舊安西衛治築新瓜州以居之屬沙州乾隆二十

一年大功者定詔升州縣升安西鎮爲安西府二十四年以赤金靖逆兩衛

地改置玉門縣以沙州衛改置敦煌縣以安西柳溝兩衛改置淵泉縣安西

府領縣三淵泉與安西府同城嗣移府治于敦煌三十七年復移治于淵泉

三十八年改安西府爲直隸安西州裁淵泉縣爲州治隸縣二玉門敦煌謹遵

欽定西域圖志疆域山水各門編次並採冊說下做此

考試初准衛屬文武童就肅州試取進附肅州學管轄乾隆八年於五衛適中之安西衛設學統轄五衛生員二十年設安西府即設府學嗣是玉門敦煌同建廟設學三十八年改府爲州併歸州學學政按臨肅州文武生童仍就肅州考試

(沿革)安西古西域地漢武置酒泉郡縣九福祿表是樂涓天依玉門會水

池頭綏彌乾齊

表是天依今高臺境內福祿今嘉峪關至玉門縣界地俱屬肅州

後元年復分酒泉郡置敦煌郡縣

六敦煌冥安効穀淵泉廣至龍勒晉以敦煌之深泉冥安廣至宜禾伊吾五

縣分酒泉之沙頭縣別置會稽新鄉凡八縣爲晉昌郡張駿分酒泉爲沙州

張祚又以敦煌郡爲商州隋復爲敦煌郡領三縣敦煌常樂玉門唐置瓜沙

二州分領壽昌晉昌常樂酒泉福祿敦煌玉門縣凡七五代時回鶻黨項分

侵其地後周稱涼州絕於中國獨瓜沙二州終五代常來宋景祐初西夏陷

瓜沙肅三州盡有河西故地元太祖二十二年始破其城尋立瓜州屬沙州

路明爲赤斤蒙古沙州三衛地成化後土爾番侵掠遂以居民從居塞內至嘉靖間以嘉峪關爲中外巨防云

（輿圖考證）安西州屬全境乃有漢晉敦煌一郡之全而兼酒泉郡之半有唐瓜沙二州之全而兼肅州之半隋之敦煌一郡實與今之所屬相準州之本境所轄爲漢冥安淵泉廣至三縣地漢書敦煌在酒泉西淵泉最東西曰冥安又西北曰廣至又西南曰敦煌今州東爲柳溝城左右爲十道溝水西南有黑水橋亂泉子諸處當爲漢淵泉縣地州城北有蘇賴昌馬兩河合流西注爲南藉端水南藉端即冥水當爲漢冥安縣地漢廣至隋唐爲常樂縣東至瓜州一百五十里今州之西北一百五十里爲百齊堡當爲漢廣至縣地是今安西州全境乃屬漢時之三縣廣至晉分爲四曰廣至宜禾新鄉伊吾在晉則又兼有六縣地新鄉晉昌唐廣至分縣在敦煌南通典新鄉距伊治九十里與今之城南九十里踏實堡相合宜禾伊吾晉書在敦煌北伊吾

以伊吾盧故地得名附近敦煌北境則宜禾一縣當在州東北境今以百齊堡求之皆境地毗連若晉之晉昌隋之長樂唐之晉昌長樂尤與本境疆域相準也

玉門縣

東至肅州南至雪山

西至三道溝接安西州境北至鹽池

玉門縣

康熙五十七年建靖逆衛治

漢酒泉郡地在嘉峪關西二百九十里距州治三百一十

五里治之東六十里爲高見灘

東北境五十里有古塔地名塔兒灣

又三十里爲赤金峽又二十

里爲赤金堡

舊赤金衛治南山麓其泉北流環堡左右又北數里合流入花梅子初建玉門治於此

又九十里驢馬城

隴赤金湖火燒壑至其地

又三十里惠回堡

即回回墓故地而墓不可考

又五十里雙井

爲玉門東境距嘉峪關四十里

治之南爲仙

姑廟迤西南三十里龍王廟

在兩河之間爲蘇賴昌馬會合處

治之北爲沙岡坡

渠流自西北折入布魯湖

之西五十里爲三道溝

西與州境之柳溝堡接界

迤北爲布魯湖

(建置)舊爲赤斤蒙古衛人

本朝改曰赤金設千戶所康熙間增築靖逆

城設衛而赤金所並升衛乾隆二十四年裁兩衛地置玉門縣

初治赤金衛嗣移治靖逆爲今

縣隸安西府嗣改直隸安西州以縣屬焉

(沿革) 玉門漢舊名

師古曰漢罷玉門關屯徙其人於此置縣

三國因之晉分會稽縣屬晉昌郡前

涼置寧涼郡迄隋改玉門縣屬敦煌郡唐屬肅州酒泉郡開元中没于吐蕃置玉門軍天寶中廢宋入西夏元屬肅州路明於其地置赤金蒙古衛

(輿圖考證) 縣治全境所轄爲漢天依會水池頭玉門安彌乾齊六縣地酒泉郡領縣九樂涇最東次福祿次表是次天依在玉門之東會水池頭在玉門之西西與敦煌接樂涇表是福祿今屬肅州境天依即後漢延壽博物記延壽縣南有石漆元和志石脂水在玉門東南八十里證諸紀載則漢之天依延壽在今玉門縣東南境池頭會水淵泉以水得名關駟十三州志衆水所會曰會水地多流泉曰淵泉今蘇賴昌馬合流分注靖逆舊城之東西又西經十道溝水至柳溝以方位考之則靖逆城當屬漢之池頭十道溝當屬漢之會水地柳溝故城當屬漢之淵泉地漢書地理志會水縣注乾齊與

安彌地接會水在東北乾齊安彌在西南則乾齊安彌又當在十道溝南境無疑若晉之玉門仍漢之舊僅有舊赤金衛地隋玉門西與常樂接唐玉門西與晉昌接常樂晉昌爲柳溝安西二衛地隋唐與之接壤是已兼有赤金靖逆之地與今縣境大率相準至於玉門縣東關亦稱玉門關高居誨記自肅州渡金河百里出天門關又西百里出玉門關即指玉門故縣與敦煌西之古玉門關無涉玉門漢屬酒泉至隋始併入敦煌肅州志指爲敦煌者尤非也

敦煌縣

東至甜水井接安西州界 西至古營盤 南至南山 北至青墩峽接哈密界 西北至哈喇淖爾

敦煌縣漢敦煌郡在安西州治西南二百七十里治之東四十里爲新店又三

十里屹搭井又折東北四十里爲空心路又三十五里爲甜水井東與州境之蘆草溝接界

治之東北四十五里爲黃墩堡有城雍正五年築其東少南九十里接州屬之百齊堡自此西北行三十里踰河又十里爲庫克砂石入

哈密舊道地 屬隋涼興縣又西北行一百五十里爲青墩峽敦煌北境入峽口西北行市於兩山之

百十三里 治之西北二百七十里爲哈喇淖爾 州境三河會 歸濬爲大澤 其東南境爲呼羅

蘇台 舊對音葫蘆斯太黨河支流地濱哈喇淖爾東 距城二百里又西南三百餘里至色爾騰海 治之西少南一百五十里爲古

玉門關 漢武帝時置關外有五峯爲赴車師及疏勒之道所謂北追巴布彥拉克在其西南 又折東南行三十里 紅山口 爲古陽關

任黨河西有三斷石即三隴 山漢時赴鄯善且未之南道 治之南一百三十里爲黨城 漢効穀縣地在黨河口又西 十里有古城又西一百二十

五里有古營盤亦稱古城居高原之上南臨高山 治之西三十里爲沙墩又十里古

西有古邊牆又南踰沙三嶺有城基亦稱古營盤 營盤又西南一百七十里爲巴彥布拉克自玉門關西行爲白龍堆 沙形如臥

龍起伏綿延西 沙多土少東西數百里渺無垠溪顏師古曰南北 白龍堆南

盡流沙之地 又西爲流沙 二十里東西數百里禹貢餘波入于流沙是也 爲色爾騰海 敦煌境外三百餘里有廣澤又八十 東距色爾騰海七百里 有廣澤地名噶斯淖爾

爲漢且末國漢書尉犁東南與且末接以上屬敦煌縣皆境外地 又西北爲噶斯

(建置) 初設沙州所治舊城在黨河之西雍正三年升沙州衛築新城即今

縣治乾隆二十四年西域平以其地置敦煌縣衛裁二十七年移安西府來

治三十七年復移府治于淵泉三十八年改設安西直隸州敦煌與玉門同

屬焉

〔沿革〕敦煌古三危地春秋謂之瓜州漢分酒泉置敦煌郡

應劭曰敦大也煌盛也

領

縣六一曰敦煌與効穀龍勒同郡而分縣後漢因之晉隆安中分置陽關蒲昌二縣後魏分効穀置効穀郡分龍勒置壽昌縣張駿改爲沙州張祚又以敦煌置商州至後周改曰鳴沙而敦煌郡名古今不易隋大業初復縣名曰敦煌唐武德中以龍勒故地復析置壽昌建中二年陷吐蕃大中間張義潮以瓜州來歸建德軍旋改歸義元至元復立沙州明永樂間置沙州衛後以土爾番侵掠屢勤征討沙州衛爲最西則最先廢

〔輿圖考證〕縣治全境所轄爲漢敦煌効穀龍勒三縣地漢敦煌郡東則冥安淵泉廣至爲安西州地西則敦煌効穀西南則龍勒効穀本漁障澤元封六年崔不意爲漁澤尉教民力田以勤効得穀因以名縣今縣西境之黨河有農田水利之益當爲漢効穀縣地龍勒都尉治又云龍勒有玉門關至唐

爲壽昌縣元和志稱去州一百十里本漢龍勒今以古營盤一帶廢城基址
審之亦約略可考是今之敦煌兼有効穀龍勒敦煌三縣地矣隋復縣敦煌
已兼有効穀龍勒兩縣地自唐析置壽昌于是敦煌僅兼効穀則今之敦煌
縣境實與隋之疆域相準而於唐則又兼有壽昌也至明之安定阿端曲先
三衛尤在今敦煌縣西南境外

又案古三危山即今敦煌縣南境之山迤西爲鳴沙山又西爲流沙所謂餘
波入於流沙者也白龍堆爲流沙東境象形以名其沙今敦煌之西南境之
巴顏布拉克以西流沙極目蜿蜒出沒之狀猶有存者魏略三隴沙與今三
隴山近似山海經流沙出鐘山西行又南行至崑崙墟西南入海崑崙指今
青海之庫勒坤山而言庫勒坤譯言崑崙在西寧邊外一千四百五十里正
當敦煌西南境也漢元鳳四年傅介子殺樓蘭王更立其弟尉屠耆名其國
爲鄯善漢書出玉門關西行爲鄯善又云地近白龍堆是已何又稱去陽關

一千六百里以周書鄯善北即白龍堆西北有流沙數百里之文相證則知鄯善即白龍堆路流沙在白龍堆西鄯善在白龍堆南而流沙宜在鄯善西北隋書有蒲昌海大業中伐土谷渾以其地置鄯善郡是蒲昌海爲鄯善西境唐書伊吾郡納職縣以鄯善城置益都納職北接伊吾是鄯善爲伊吾西南境合考羣書以今色爾騰海以東爲鄯善地方隅無不符合則一千六百里之文之訛不辨可知鄯善西爲且末今噶斯淖爾在色爾騰海西七百里是當爲西北舊壤漢書北接尉犁又云尉犁東南與且末接尉犁在今哈喇沙爾南境噶斯又在其東南則正所謂東南與且末接者若依漢書鄯善去陽關一千六百里則且末應得二千三百里其境當在尉犁焉者西南何又云東南與且末接哉今統漢書形勢考之則陽關西南爲婁羌正西爲鄯善婁羌之西爲且末且末之南爲小宛皆在烏壘水偏東南境故皆西北至都護治所且末之西爲精絕精絕之南爲戎盧皆北與烏壘城相直故皆北至

都護治所精絕之西為扞彌扞彌之南為渠勒渠勒在烏壘偏西南境漢烏壘在天山南路海都郭勒側則噶斯淖爾正其東南境其為且末之地無疑西則為精絕當治所之正南西與于闐接壤矣

哈密廳 東至搭勒納沁接喀什爾喀界 西至哈喇都伯接關展界 東南至星星峽接安州界 北至天山鎮西府界

哈密漢伊吾盧地在安西州西北八百七十里距京師七千一百八十里治之

南六十里為柳樹泉 隴河至其地 又六十里哈什泉又東南一百三十里酤水又

八十里大泉又七十里博羅圖阿瑞 接敦煌界 自柳樹泉東南行一百三十五里

為格子烟塹 即柔遠故城由黃蘆岡長流水行至此 又一百八十里為星星峽 由苦水沙井子行至此接西安州境 城東

八十里為賽巴什 地以湖名北為牛毛湖有屯田 又東少北行一百三十里為多都摩垓又東

北七十里為德都摩垓 有泉即塔勒納沁之北流是為哈密西北盡境又東北百二十里接宜禾屬之圖古里克

自此折東南行三十里為塔勒納沁 地以山名有土城屯田 又南行二百五十里至半池

泉 由沙泉瑣瑣阿卜行至此為哈密東境南接安西州界 城西六十里為蘇木哈喇垓 即頭堡 又二十里阿斯塔

納又拆西北行四十里託郭棲三堡有白楊溝柳樹泉又西南二十里拉布楚喀

又二十里哈喇都伯五堡迤北二十里有大泉流水成渠自此七十里入南境察罕

和羅海猶云白峯迤西俱臨大磧托郭棲之西七十里鴨子泉又西少北八十里為瞭整又

西九十里至梧桐窩為哈密西境不當孔道又南行九十里三間房設卡倫于距城四百五十

里其中瞭整北行七十里為燈槽溝在和洛圖達巴北麓有泉東北流入宜禾境之延綏堡又西北五十里至肋巴堡泉會鎮西府入關

路
展台

自察罕和羅海西行七十里為內勒袞地多沙磧又六十里為阿薩爾圖南有

沙拉淖爾又六十里伊里克庫本又六十里察克瑪克拉什地無草水又五十里額什墨

此則磧之內微有水草又西一百五十里至洪入關展境

建置康熙三十五年回酋額貝都勒拉遣使貢駝馬及地三十六年復遣

子郭帕伯克擒噶勒丹子色布騰色勒珠爾來獻其地始內屬舊城康熙五

十六年築新城雍正五年築初設副將一員駐防五堡屯種其回民設總理

回衆郡王一員管轄乾隆二十四年西域蕩平始設哈密廳以新城爲通判治二十九年設哈密辦事大臣統理諸務以下章京驍騎校筆帖式俱自京調往其聽差委員及巡檢各官如今制

(沿革)漢伊吾廬地本匈奴呼衍王庭東漢時始內附爲伊吾三國及晉屬鮮卑北魏入蠕蠕太和間以城內附隋稱伊吾尋附突厥唐置伊吾郡屬伊

州貞觀四年突厥頡利亡以其地置西伊州領縣三伊吾桑遠納職

納職今安西州境地

五代爲胡廬積宋則復爲伊州後入於回紇元末以威武王納失里鎮之明永樂四年立哈密衛旋爲土爾番所據後復以城印來歸至嘉靖中閉嘉峪關遂置哈密不問

(輿圖考證)漢明帝取伊吾廬地遂通西域于闐諸國班志謂鄯善北通伊吾自伊吾北通車師南北相直則其鄯善南伊吾北尙屬伊吾西境則知漢所取伊吾境地甚廣若魏高祖以伊吾五百里封高昌王去高昌四百里所

謂五百里地在高昌東南四百里外可知今自關展東行四百里至哈密適四百里外而自哈密至博羅圖敦煌交界四百餘里至蘆岡泉與安西交界五百餘里應即當時欲封高昌王地又蠕蠕邊界西抵焉耆南臨大磧而常所會庭在敦煌之北當焉耆大磧東南境今自星星峽博羅圖西北分道以達於哈密皆其地也今之哈密唐之伊吾在伊州郭下柔遠在伊州東南今屬星星峽至哈密東南境蓋即全境按之今之哈密止有唐之伊吾柔遠兩縣地其察罕和羅海一路以南之大磧即屬唐之莫賀延磧高昌王突騎支請開以便行人者在宋則爲大患鬼魅磧王延德高昌紀行無水草載糧以行凡三日息鬼谷口避風磧凡八日至驛田寺正其境也至唐書載伊吾七城明成化十八年哈森夜襲哈密城敗之乘勢連復八城今哈密四城凡五堡得五城其東境亦多回民聚處七城八城之舊大概可見

關展廳

東至塔呼接哈密界 西至伊拉里克接哈喇沙爾界
南臨沙磧 北至博克達鄂拉接迪化州界

關展漢車師前庭地在鎮西府西南七百里去哈密九百三十里距京師八千

一百一十里治之東二十里為特庫斯有北流水名巴哈言小也又二十里特斯又三十里

為齊克塔木又一百四十里為納呼四面皆山西谷口隘而深為關展東境關隘又七十里為塔呼當孔

道接鎮西府之托來達巴一百四十里治之南二十里為洪當山谷口自南莫賀延磧以抵其境自此折西行二十里

楚輝又西北四十里色爾啟布在金嶺下不當孔道自楚輝西五十里為魯克察克戊己尉核

治唐柳中地東有長河為境內一最大聚落又西北二十里洋赫又三十里哈喇和卓水源出金嶺經滲金口流入境內即唐高

昌又五十里阿斯塔克又西北十里為玉門口舊有關名古玉門為土爾番哈喇和卓往山北路東北兩山陡立入谷西

北行十餘里出北口又東北十五里至森尼木又折西南三十里為勒木不西南行四百里至羅布淖爾唐蒲昌地自阿斯塔克

西北五十八里為土爾番北倚金嶺氣候溫暖無雨雪唐高昌有安樂城即其遺址又西北三十里為招哈和

屯唐交河城北倚金嶺峰巒層疊又西南十五里雅木什東倚金嶺西北望都魯達巴又五里安濟彥又三十

里布干川北有泉名哈畢爾喝南流成大澤又六十里為托克三又西四十里伊拉里克北直都魯達巴為關

展西盡境距城四百五十三里自此入谷口屬境外地 城之西少北八十里為迪木齊木西境皆平田應為漢車師後城長國地南

距魯克察其東南谷內爲雅圖庫在色爾政布北山口內七里東行有歧路轉而西北會於迪木齊木有小城其東北二十

五里爲罕都西南小山有兩壑相傳漢時所築並訛傳名其地爲漢壑自迪木齊木西行三十五里爲蘇巴什

有小堡迤西北入北山口東西石壁峭立或沙坡斜倚谷間水流甚急艱於行俗名土城溝又西北三十里有森尼木有城城西有長河南流又

六十里圖穆塔克又一十里爲布拉里克地有泉水距城二百五里又北爲塔里朗其西南爲雅圖又西南踰嶺乃抵安濟布彥

自森尼木折東北行一百里爲汗和羅山形環抱地勢幽廠爲土爾番北鄙不當孔道自伊拉里克西

行四十里入蘇巴什塔克谷口谷內有兩大石入谷行十里微有水草又西五十里至納林奇喇

塔克東谷口山峰最高處名額爾坤達巴入谷迤西南商翠如屏又西南九十里至庫木什阿克瑪塔克谷入

行十里逼谷皆淺水山勢漸隘經沙灘又二十里有大石崎嶇者兩處車不能行又七十里出谷口又一百二十里至額格爾齊塔克自庫木什

南谷口西行至此山下玲瓏怪石遍地葦草踰此西行至烏沙克塔勒唐置守將於此有廢城當即張三城

(建置)城郭多於南山而關展爲尤甚然其左右各城先經避患皆遷附甘

肅沙兩州乾隆十九年封莽噶里克爲扎薩克公總理回務駐土爾番並設

協理回務圖撒拉克齊一員令舊時遷附回民仍復故土廿一年將軍和起

追叛賊巴雅爾至關展公額敏和卓以兵四百及莽噶里克呢瑪扎哈沁諸部來會莽噶里克呢瑪兵叛將軍倉猝遇害叛賊等尋即伏誅遂設辦事大臣並以都統駐防其境復封額敏和卓子素賚瑞於土爾番廿六年置關展廳駐同知屬巴爾庫勒道官制兵防如今制初開屯田地三萬四千二百餘畝二十六年裁歸回部郡王所屬回民承種歲納額租如額

哈密關展兩廳各有回部郡王是皆歸誠著績累受封爵是以子孫承襲非如各部之阿奇木隨時陞調去留者其哈密之五堡關展之六城悉為郡王所屬

案吐魯番等處嗣改設領隊大臣一員餘待考

(沿革) 漢車師前王地元封三年擊破姑師分為前後王及山北六國都立師卑

陸前後東西且彌劫國以都尉治之 其車師前王治交河城地節二年以車師西走烏孫詔鄭吉

田渠犁車師元康中徙其國令居渠犁以車師故地與匈奴元初三年始置

戊己校尉居車師前部高昌壁晉為高昌郡張軌呂光沮渠據河西皆設太

守統之魏為蠕蠕所并唐貞觀中拜侯君集為交河大總管討李文泰破其

地皆州縣之置安西都護府天寶中置西州交河郡領縣五

柳中前庭交河蒲昌天山

安史

亂其地遂陷宋入回鶻元太祖五年平其地以達魯花監之尋設萬戶府明

改曰火州後土爾番

舊晉土魯番

強旋爲所據

〔輿圖考證〕關展北屏天山南臨沙磧自多倫達巴分支西來環帶諸城爲金嶺古稱赤石山境跨金嶺之南北凡五百里自關展西南至伊拉里克爲漢車師前王城越金嶺以北自迪木齊木西至布拉克爲車師後王城及山北六國地漢書卑陸國治乾當谷後國治番渠類谷郁立師國治內咄谷西且彌國治兌虛谷劫國治丹渠谷皆在兩山之間故以谷名又稱卑陸且彌劫國治天山東蓋以博克達鄂拉南北綿亘百里金嶺以北諸城居其東境故曰在山東六國金嶺南北皆是即所謂自高昌壁北通金滿城者也若天山以北乃匈奴鐵勒所居非車師六國地不得誤會山北六國之文而求之博克達之陰也柳中爲戍已校尉所居唐之五縣交河前庭柳中皆屬車

師前王境交河與前庭同治柳中居其東即今之魯克察克諸城交河居其
 西今之招哈和屯諸城天山在北以天山得名今之金嶺以北諸城蒲昌以
 蒲昌海得名在前庭東南約自勒木丕城迤東南經羅布淖爾一帶今自洪
 求之其跡較然唐書地理志前庭縣注本高昌是唐初置高昌縣即隋高昌
 國都可知今安西至關展取道哈密折而西南不涉流沙龍堆之地考之於
 古則有數道一自伊吾西行隋高昌傳從武威有捷路度沙磧千餘里四面
 茫然無谿徑故客商往來多取伊吾是也一自敦煌度莫賀延磧北行唐侯
 君集伐高昌至磧口攻田地一作城北城是也王延德使高昌始歷伊州次納職
 縣至鬼谷口避風驛澤田寺寶藏六種以抵高昌則自伊吾復繞道南行折
 而西北仍從莫賀延磧以抵其境者也今之取道哈密或即漢魏時之故道
 歟

哈喇沙爾

東至烏沙克塔勒出蘇什巴塔克口東北至察罕通格出納林奇喇塔克口接關
 展界 西至納第格郭勒接庫車界 北至天山踰山接迪化州綏來縣界 南

羅布淖爾

哈喇沙爾漢焉者在闢展西一千六十里距京師九千一百六十里城之東八

十里為特伯勒迤東至楚輝一帶為古危須國地又東十五里哈噶爾齊諭奇爾歸圖郭勒至其地又三十里

楚輝在烏沙克塔勒西察罕通格西南其南北兩山道至此會而為一又五十里為烏沙克塔勒自蘇巴什入谷西行至此山道三百七十里

自楚輝東北行七十里為察罕通格自納林奇喇塔克納經博羅圖塔克谷口循博羅圖郭勒諭塔什海至其地有廢城城東有泉委折

而南經烏沙克塔勒城東分導溉田城西南四十里為碩爾楚克東北二十里舊城又二十里博爾海自

碩爾楚克南行五十里為哈勒噶阿璜漢尉犁又西南七十里為庫隴勒山勢峻險古焉

者以西關隘山南海都郭勒繞而西流山林瀕河處左山右河徑極險窄河岸南為庫隴勒城其東境傍山六十里為庫輦塢又迤西一千七十里為

車爾楚諭海都郭勒而至自此以西在唐為河西境又一百四十里策特爾漢烏壘城為都護治於西域為中唐河西烏壘州又七

十里英噶薩爾又一百二十里為玉古爾漢輪台地自英噶薩爾北行三十里為

鄂頗爾

(建置)哈喇沙爾為西域回部關隘乾隆二十三年始入版圖設辦事大臣

駐防其地舊有城在海都郭勒西南二十里久廢築新城於哈喇沙爾爰是設兵開屯所屬庫隴勒玉古爾兩處地畝令本處回民承種二十六年各設

三品阿奇木一員管理以下伯克各設九員如今制

回疆伯克回部職官舊有等階伯克乃其總名阿奇木統理城村大小事務職繁權重為伯克之冠伊沙噶協理阿奇木辦事職任亦重位次之以下遞相等差各有專任其職司徵收糧賦者曰商管理地畝者曰噶匪納齊總理刑名者曰哈子阿奇木首領曰都爾噶司疏濬灌溉之務曰密喇布司巡緝訪捕之務曰帕察沙布管理匠役營造者曰訥克布管理經典整飭教務者曰茂特色布司售授田園房產掌質劑治爭訟兼收其稅入者曰木特幹里司教習經管事務曰匝布梯墨克塔布司商賈貿易者曰克勒克雅喇克辦理頭目詞訟者曰斯帕哈子辦理細民詞訟者曰拉雅哈子職理稅務者曰巴齊吉爾理差課事者曰阿爾巴布司果園事者曰巴爾瑪塔爾經理各處文移記檔分撥官項事務者曰都官安設臺站修整兵械者曰哈喇都官分領回衆頭目職如千總者曰明其徵輸糧賦者曰多博曰玉資曰鄂爾沁司修甲造械者曰哲博司驛館米芻者曰什和勒辦理工程者曰克圖瓦爾司市集者曰巴匪爾巡察街道園林曰賽特里承辦採玉事務者曰哈什掌宴會牲畜果品之屬者曰鄂克他塔克奇自撫定西陲仍其舊名而寵以新秩自三品至七品不等詔爵授祿以受地為差三品伯克每員給二百怕籽特瑪怕種地畝種地人百名四品每員給一百五十怕特瑪籽種地畝種地人五十名五品給一百畝種地人三十名六品給五十畝種地人十五名七品給三十畝種地人八名其密喇布伯克各員專司灌溉原有例分地畝不另撥給祇撥種地人各

屯民自準夷底定疆宇廓清爰各屯兵註守招集回民及甘州民戶分地而居而於烏魯木齊伊犁諸處計畝耕作以屯墾之丁男作新疆之戶藉也山南雖村城繹絡幾於烟火相望然哈喇沙爾與

關展哈喇和卓諸處居民久經遷徙全部歸誠後亦如山北之移民開屯漸歸殷庶其庫隴勒玉古爾承種回民曰情蘭回子俱置伯克管理於乾隆二十七年復分撥二百餘戶赴伊犁西路試墾均各計戶授田俾安樂業云

所屬夷人乾隆三十六年土爾扈特渥巴錫自俄羅斯率屬來歸封爲土爾扈特漢安置部落于接爾之巴噶台之依札爾地方居住並賞給牧地三十八年以依札爾之天氣極寒難以耕種遂移住大裕勒都斯其莫們圖之在托里者四十年亦移其地和碩特部恭格隨渥巴錫歸誠封爲和碩特部落貝勒安置部落于小裕勒都斯居住去伊犁馬行十三日京差侍衛三員管理其人每年秋烏什參贊大臣至哈喇沙爾巡察一次

(沿革)漢焉耆治員渠城西南至都護治四百里其國近匈奴刦殺都護但欽王莽不能討天鳳五年五威將王駿以龜茲莎車數部兵入焉耆永和六年班超發龜茲鄯善八國兵討焉耆斬其王更立於是西域五十餘國悉皆內屬晋太康中其王遣子會入侍及會立襲滅龜茲據其國遣子熙歸本國爲王楊宣經理疆域熙率羣下悉附于晉魏書其王姓龍名鳩斯卑那即前涼所討龍熙之後世祖遣萬度屠其城其王莽龜茲隋大業中入貢猶稱漢時舊國唐書突厥傳有特庇勒居焉耆城稱葉護是焉耆已屬突厥貞觀十

八年滅焉耆置焉耆都督府開元中以焉耆備四鎮五代及宋西州以西統爲回鶻所有天聖熙寧間入貢者七降及元明屬巴什里舊音亦力巴里明吏稱其南接于竇北連衛拉特西抵賽瑪爾堪東抵哈喇和卓疆域尤廣云

(輿圖考證)哈喇沙爾四山環抱海都河環帶其間縱橫四五百里當爲焉耆全境漢書山國東至危須二百四十里南至尉犁二百六十里而尉犁在焉耆南危須在焉耆東境界毗連厥後盡爲焉耆所并其在於初則焉耆危須衛犁皆在大山環抱之中後史咸稱其四面有大山者舉其既并之後言之今考烏沙克塔勒至哈喇沙爾得四城危須國當在於是後漢書焉耆西南至都護治所四百里尉犁西至都護治所三百里是尉犁在焉耆南百里之國與今之哈勒噶阿瑞方隅相合焉耆正南海水瀰漫必無容國之地其云南至尉犁二百六十里恐必西南字之訛况班超討焉耆自西而來先至尉犁界焉耆王廣絕葦橋以拒漢軍則焉耆與尉犁西有水道中隔今城南

海都郭勒旋折當年形勢猶有存者晉楊宣經理疆域次焉者進屯鐵門擊遮留谷以據尉犁鐵門遮留固在尉犁之西晉鐵門應即唐鐵門關其在庫隴勒塔克迤西爲焉耆西境關隘明甚若輪台即古侖頭東南與渠犁接亦瀕河之地李廣利屠之其國并於龜茲後漢屯田之使於斯托處烏壘城屬河西境與渠犁田官相近于西域爲中故都護治焉後漢莎車攻殺龜茲乃分其地爲烏壘國在唐以之爲河西烏壘州烏壘爲河西最東之境在今爲策特爾東踰河至庫龍勒三百里正合漢書尉犁西三百里之文南行則瀕額爾勾國勒爲漢渠犁國地魏略渠犁爲龜茲所并是則今哈喇沙爾四面據山是爲漢以後焉耆舊壤而西則兼有龜茲正不得以焉耆一國之地當之矣唐貞觀十六年滅焉耆置焉耆都督府渠犁都督府皆以舊地名之烏壘州輪台州爲河西諸胡內屬州十二州之二均隸北庭而輪台縣與輪台州非有兩地縣視州境爲尤廣也宋咸平中回紇遣使入貢稱其國東至

黃河西至雪山有小郡數百龜茲亦回鶻別種自是曰西州回鶻或曰龜茲回鶻蓋自西州以至龜茲為今闕展西至庫車之地皆屬回紇故其名通用特焉耆之號無存耳古員渠城漢書去海十餘里今哈喇沙爾城南去博斯騰淖爾止四里則員渠城應尤在城之北境云海水曲入四山之內周匝其城三十里乃約略其詞實則山中之水經流城南出注于海云爾

庫車四至
闕

庫車漢龜茲在哈喇沙爾西九百十里距京師一萬八十里城之東南六十里

為托和鼐又折東北一百四十里阿巴特東接玉古爾一百里為庫車東境城之東南二十里

為裕赤哈喇又南二十里哈喇阿薩爾又三十里為常格盧舍比密一大村落又東南三十

十里特勒伯不通徑足自裕赤哈喇迤東南行十里為阿勒玉蘇布其西南四十

里為羸和東北距城七十里自常格折西少南行四十里為特集克南傍烏恰特達里雅東北距城一百里

城之西南十五里哈魯納斯又南十五里庫克體騫又南十里達烏圖東北距城

四十里又東南
三十里至常格

城之正北少西九十里為額什克巴什

地以山名額什克巴什郭
勒發源於北山之南麓

城西北六十里為奇里什又西北為沙爾朗

境當阿勒坦呼蘇郭
拉南麓距城一百里

沙雅爾北距庫車一百五十里踰烏恰特達里雅而至城之東一百二十里

為托伊博羅多

踰河至其地東
接哈喇沙爾界

城之東南四十里為喀伊木阿塔

南臨大河
不通徑路

西南四十里為查盤又四十里為葉勒阿里克又折西八十里葉伊勒干又

二百五十里為古斯孔郭爾勒

迤西一帶屬沙雅爾境外地為漢姑墨
南境唐書自撥換西南渡渾河是也

城之東北三

十里為坡斯

東北接庫車
屬之羸和

城西北四十里為庫克布伊

東傍烏恰達
特達里雅

又西南五十

里為庫爾哈齊

舊音卡魯瓦乞
距城五十里

又西北為托木洛克

由此通賽喇
木拜城路

城之南為塔里

木

南濱塔里
木郭勒

城西南一百四十里為塔木根庫勒

在噶爾哈齊
之南臨沙磧

〔建置〕境在第納爾郭勒西二百五十里城周四里餘東南南北三面形圓西

面形方逆回霍集占自伊犁釋歸舊部盡褫其舊時伯克以其黨為之乾隆

二十三年六月大兵討霍集占至庫車逆回自葉爾羌來援敗之於烏恰特

達里雅以殘兵逃入庫車城大兵攻圍不得出至七月後乘夤夜西遁將軍雅哈爾善之坐罪以此其逆黨阿布都克勒木猶死守未下攻之閱三月以城降圍庫車時沙雅爾逆黨布爾什木聞風震懾挈其妻子逃奔阿克蘇舊伯克烏恰墨第卓子阿三和卓詣軍門投誠至是全境俱內屬二十四年設辦事大臣統理其印房章京筆帖式各員皆自京調往並設管理回民阿奇木二員以下各伯克如今制

〔沿革〕庫車爲龜茲舊壤漢龜茲治延城南與精絕東南與且末西南與扞彌北與烏孫西與姑墨接東至都護治烏壘城三百五十里元康中絳賓偕烏孫公主女入朝賜印綬東漢建武中莎車攻龜茲兼其地自立其子則羅數歲國人殺之向匈奴請更立遂以國人身毒爲王自是屬匈奴晉太康中遣子入侍尋爲焉耆襲滅據其國後龜茲復立北魏世祖討平之唐曰屈茲亦曰邱茲太宗時臣西突厥佐焉耆叛貞觀中討之別立王尋徙安西都護

于其國統于寘疏勒碎葉號四鎮高宗時置都督府領九州儀鳳時陷入吐蕃長安元年復之置安西都護府宋咸平中西州回鶻入貢或稱龜茲回鶻元屬巴什百里至元二十年置宣尉司後復立元帥以監屯田明永樂時遣使入貢

〔輿圖考證〕今之庫車古之龜茲按之列史道里方隅爽然不失今城之北去額什克巴什鄂拉一百二十里即魏書云在白山南一百七十里唐書北倚阿剌田山亦云白山者也南有額爾勾郭勒橫亘於前東歸羅布淖爾距孔道二百餘里即魏書所謂南三百里大河東流號計式水者也姑墨溫宿尉犁漢以後不著於史魏略云皆屬龜茲是在三國時已兼有今之阿克蘇烏什地而考其南境則晉魏周隋間尙涉今之哈喇沙爾西境所謂東西拓地千里者唐阿史那社爾討龜茲破五大城遣使諭降小城七百七百之舊難以悉考如今之沙雅爾賽喇木拜諸城其在五大城數內大略可觀已至

於葉伊勒干布古斯孔郭爾南濱塔里木謬斯騰是漢之姑墨南境為今之沙雅爾西南境地殆即水經注所謂河水東經姑墨國南唐地理志所謂自撥換西南渡渾河云

阿克蘇

東至庫什塔木接拜城界 西至哲爾格哲克得接烏什界 南至葉爾羌喀什噶爾界 北至木素爾鄂拉接伊犁西路界

阿克蘇漢溫宿地在拜城西四百里距京師一萬七百九十里城之東一百里

為扎木

其北一百里 為阿爾巴特

又八十里為哈喇裕勒袞

東距拜屬之雅哈阿 里克一百二十里

又一百里為察

爾齊克城東南五十為帕巴滿

西北有河東南流至庄 北分兩河東西環之

迤東十里雅爾巴什又

三十里赫色勒

東有泉 南流

又東南五十里齊托克喇克

自帕巴滿迤東至此俱在 阿克蘇郭北岸五十里

城

之南十里為額格爾齊又折東南行六十里為喀勒喀勒

在阿克蘇郭 勒南五里

又西南

三十里為科布魯克

在托什干達里雅北十 里西北距城八十里

自喀勒喀勒東南行五十里為庫本

巴什又東五里伯什阿里克又十里呼木阿里克又十里和卓巴斯噶克又

東南二十里哈喇塔勒

自科布魯克迤東一帶俱在托什干達里 雅北岸自此而踰南岸距城一百五十里

又折西南二十里

爲烏珠瑪地在南岸又西五十里爲托來自烏珠瑪西北行三十里爲英額阿里

克又西四十里賽阿里克自哈喇塔勒迤西至此皆在托什干達里雅南岸西北距城一百一十里自英額阿里克南行

一百里爲都齊特南接業爾羌屬之伊拉都城西南三十里爲托克坎呼木阿里克勒下流介居兩河之間又

南行十里爲哈喇木克齊踰南河而至額爾格齊西南距城四十里又五十里爲薩克薩克踰托什干達里雅至

其又折西行五十里阿克雅爾又西北五十里爲哲爾格哲克得托什干達里雅西南又西

接烏什之噶斯干界自阿克雅爾西南九十里伯列阿里克西境向山又西南四十里

納喇奇恰特南臨大山爲阿克蘇西南盡境自哈喇木克齊西北行八十里爲得布特爾又

西二十里爲拉齊又二十里吐爾伯特又二十里拜林自哈喇木克齊至此皆在托什干達里雅北岸自

鄂拉齊北行二十里爲阿喇勒在呼木阿里克西南十里又西二十里爲

韋特特爾又折南行爲察克喇克托什干達里雅北岸東距城七十里自阿喇勒北行二十里爲

超達爾踰呼木什阿里克郭勒而至東南距城六十里其南行八十里爲愛呼爾在城之西南城之北二十

里爲哈爾噶額密什自札木東北行六十里爲亮格爾赫色勒東北九十里西南距城一百六十里

又東北行八十里圖巴拉克又八十里玉斯屯託海又七里為塔木哈他什

自此北行百里在在皆水俗謂氷山又二十里稱雪海人馬艱于行 又一百二十里為噶克察哈爾海 接山北伊犁界自亮格

爾南行八十里為木賽喇木西北二十里為伊勒噶齊

賽喇木 案一統志為賽里木台回城東至赫色勒郭勒 西至哈喇烏蘇 南至木素爾郭勒 勒隴河接沙雅爾西南境外地 北至天山接伊犁界

賽喇木古俱毗邏城東北距庫車城二百一十里距京師一萬二百九十里城

之東二十五里為赫色勒城之西一十五里為布干 在哈喇烏蘇支河之西 又西南五里

濟爾噶朗又五里他爾阿里克 南傍哈喇烏蘇 又十里托克三 西接拜界 又折北行一十

二里為布隆又東一十五里哈喇都伯又東北二十里堪齊塔木又東二十

五里為明哲克得 迎東一路為賽喇木北境 又五里為雅哈阿里克又五里為拉布帕爾

拜 東至哈喇烏蘇 西至什哈喇勒台接阿克蘇界 南至木素爾郭勒隴河接沙雅爾界 北至天山隴山接圖斯庫勒南岸地

拜古阿悉言城在賽喇木西九十里距京師一萬三百八十里城之東一十五

里為色勒克恰特又東南五里吹置又東五里阿特巴什又十里推格博尼

東傍哈喇烏蘇南臨木素爾郭勒爲拜極東境又折南行五里爲奎裕巴克自色勒克恰特北行五里爲

蘇爾滾又一十里爲喀資干又十里伯里葉克齊自蘇爾滾東北行五里爲

托木碩克又五里爲雅爾圖喇又十里伊密什又北五里爲英額亮格爾爲拜

極東北境自喀資干迤西五里爲鄂爾塔克齊又五里阿斯屯海里瑪又十里爲

塔克齊其地依山又五里爲玉斯屯海瑪里喀資干迤西一帶爲北境城東南一十五里爲雅

哈阿里克舊訛稱噶哈里在哈布薩朗郭勒下流北岸又五里爲都爾伯勒津在木爾郭勒北岸城之西三十里

爲什喇哈勒臺諭哈布薩朗郭勒至其地迤西北五十里爲葉伊勒干又西十里爲庫什

塔木自葉伊勒干南行五十里爲雅哈阿里克濱木素爾郭勒南岸爲古姑墨國地又南行二百里至塔里木謂斯騰

(建置)自庫車西出爲賽喇木拜阿克蘇古龜茲西境赫色勒哈布薩朗阿

蘇克三郭勒托什干達里雅經流環抱於三城之間而阿克蘇爲尤大城在

拜城西四百里有三城東西連峙以一大城垣環之所踞高崖二十餘丈洵

形勝也先是逆回於各城置以心腹爲脅制庫車之圍霍集占西遁至阿克

蘇回衆即協力與逆酋拒戰並逐其所置伯克獻誠請降其賽喇木伯克阿
爪斯等傾心向化同時內附乾隆二十四年設辦事大臣一員賽喇木英噶
薩爾卡倫侍衛各一員並設阿克蘇賽喇木拜城英噶薩爾三四品阿奇木
伯克各一員其分理各城村伯克遞有等差三十一年以原駐辦事大臣歸
併烏什餘如今制

額徵自阿克蘇以西諸部原墾民田及歸民墾種籽種地畝各按其地之高下以定歲入分數其額
賦概徵普爾回人以一錢爲普爾普爾謂文每文直銀一分初以五十普爾爲一格騰後定以一百
普爾爲一格騰直
銀一兩定爲制

(沿革)溫宿國治溫宿城東至都護治所 千 百里西至尉頭三百里北
至烏孫赤谷六百十里東通姑墨六百七十里王莽時姑墨國王殺溫宿王
并其國三國以後不詳於史北魏時並屬龜茲唐貞觀中以溫宿置溫州府
又曰溫宿州魏姑墨即漢姑墨唐初稱跋祿迦國後以其地置和墨州宋以
後併入回鶻大略與庫車同

(輿圖考證)溫宿在姑墨西二百七十里今阿克蘇東距雅哈阿里克二百八十五里道里相符以水道案之今喀什噶爾葉爾羌兩河自西而來至阿克蘇南阿克蘇郭勒南流注之與水經注河水暨於溫宿之南左合枝水上承北河之說合則阿克蘇之爲漢溫宿殆無可疑北魏溫宿役屬龜茲國猶存隋書稱龜茲西去疏勒疏勒東去龜茲皆一千五百里可知北魏以後溫宿爲龜茲所并尉頭爲疏勒所并是以龜茲疏勒兩國接壤唐書地理志安西出柘厥關渡白馬河一百八十里西入俱毗羅磧經苦井一百二十里至俱毘羅城又六十里阿悉言城又六十里至撥換城一曰威戎城曰姑墨州南臨思渾河又曰墨州唐時柘厥關在今阿巴特古之間庫車中乃其西境所謂白馬河者應即庫車城東之額什克巴什郭勒西一百八十里爲俱毗羅磧又西一百二十里至俱毗羅城庫車東白馬河至比三百里今賽喇木在庫車西南二百餘里方位正相當也拜城在賽喇木西八十里應即阿悉

言城又六十里至撥換城曰姑墨州南臨思渾河曰河墨州今雅哈阿里克在葉伊勒干西南五十里地濱木素爾郭勒南岸又南二百里至塔里木謂斯騰其左右境悉屬漢姑墨地唐之置州皆仍舊名更覺爽然不失從此南行循和闐達里雅經千里至六城從此北行踰山入伊犁東西路即漢書所謂南至于窶馬行十五日北與烏孫接者形勢尤可證也曰跋祿迦唐以之為姑墨州即附屬龜茲為撥換城者曰大石城即唐温肅州治在今為阿克蘇城温肅即温宿姑默即姑墨史書互異猶之龜茲為邱茲耳若拜明史載奉貢小部稱地面有名擺音者富近是

烏什 東至曠斯干接阿克蘇界 南至庫珠克達巴踰山接葉爾羌和闐界 西至色帕爾拜接喀什噶爾界 北至天山踰山通伊犁西路界

烏什漢尉頭城去阿克蘇西二百四十里距京師一萬一千三十里城之東北五十里為哈喇和卓 四面距河各二十里其東境為阿察塔克又東八十里為察哈拉克西北境濱河之地曰巴爾雅巴克河西流為索特庫布拉克 又東北四十里為闢展 亦四面距河 又東二十里為雅爾又二十五里洋赫又折南

行三十里為噶斯干

東南接阿克蘇界

自雅爾西北行三十里為布干

居兩河間北為敖爾他克謬斯騰南

為托什干達里雅

又折西少北三十里為罕都

居兩河間北為托什干達里雅分流南境又為托噶爾瑪郭勒

又西九十里

為迪木齊木

居兩河間

又西北為什木里

有泉南流經此入敖爾他克謬斯騰為烏什北境距城一百五十里

自哈喇和卓

南行為森尼木

踰河至其地

又折東三十里為魯克察克又四十里為托克三

森尼木迤

東一帶皆南臨大山至此東境亦面山為烏什東南境

城之東北為英額阿里克

迤東為雅木什東北行通伊犁西路及圖斯庫勒南岸

迤

西為必特克里克又西為古爾魯克又西為沙圖

自英額阿里克至此為北境踰敖爾他克謬斯騰至其地

西由必爾達行通布魯特界

城西南九十里為巴什雅克瑪

踰托什干達里雅至其地

又迤二十里古木

克齊克又三十里為色帕爾拜

為烏什西南境

自此西南入額爾齊斯哈噶鄂拉

喀克沙勒鄂拉分支東南為庫珠克達巴山脈踰烏什而東始盡

自色帕爾拜帕南五十里至額爾齊斯哈噶鄂拉

山形卑小當孔道

又西南四十里

為松塔什塔克

北當孔道因山名地亦稱松塔什

又西南百里為固勒札巴什達巴

連山不絕至此峯尤陡絕高數

百丈層峯插天漢書謂山道不通蓋指此也

出谷西南行八十里為呼蘭齊克又六十里札木必勒阿

斯提又四十里為齋都伯又四十里為素袞又一百二十里為巴爾昌

有水橫當

孔道自色帕爾拜西南入山徑崎嶇為烏什境外之路其南則小山如屏直抵烏什南境東西千里沙磧彌望當屬古疏勒國東境

案回部役屬準噶爾舊曾遷關展于烏什遂以關展地名名其地至今彼此相同蓋以見其不忘故字也

(建置)境在阿克蘇東城周三里三面踞山形勢絕勝乾隆二十三年八月將軍兆惠等兵至哲爾格哲克得和闐城舊伯克霍集斯及其長子烏什城阿奇木伯克漢咱巴爾等馳書詣軍門投誠霍集斯者回部望族也平伊犁時嘗從大兵擒達瓦齊隨偕霍集占奉使招撫回城霍集占叛脅之為逆泊聞大兵至即有意歸化末由自拔霍集占自庫車逃敗道經烏什霍集斯父子將以計誘入城擒獻為所覺未果因擊走霍集占固守烏什城以待及師至以城降霍集斯遂從軍而西尋設辦事大臣駐其地其設官管理事務如各城制三十年以駐劄大臣措置乖方擾累回衆伯克賴黑木圖拉等乘機煽亂伊犁將軍明瑞率師往討八月平之三十二年移駐喀什噶爾參贊大

臣於此管轄阿克蘇賽喇木拜城其各城重大機務皆俟參贊裁決城曰永寧 上賜名也是爲回部都會並設領隊大臣駐防三十五年由烏魯木

齊撥派管理滿營協領一員佐領二員其自章京侍衛以下各員及阿奇

木伯克皆如今制

城中無回人居三十年叛亂人民誅戮殆盡嗣於阿克蘇葉爾羌四大城徙回民五百餘戶於城外耕種各就所耕之地分布散處無城堡村落

數年以後漸成樂土其境山場寬廣尤多葦蕩給布魯特住牧其中

(沿革)尉頭國治尉頭谷東至都護治一千四百里南與疏勒接西至捐毒馬行二十日三國屬龜茲隋時並入疏勒唐屬河西內屬諸胡州之一曰蔚

頭州又曰鬱頭州宋屬疏勒國地

(輿圖考證)漢書溫宿西至尉頭三百里今烏什東去阿克蘇止二百里疑

尉頭尙在烏什之西惟烏什以西在兩山之間又西踰山爲蕃屬布魯達蓋史家記里容有不必核其實者論其大較則溫宿東而尉頭西壤地相接今阿克蘇爲溫宿城自是西行得烏什城應屬當時尉頭城矣南與疏勒山道

不通後漢書疏勒傳東北經尉頭溫宿至焉耆別尉頭西南山道通於東漢
可知今固勒札以西山徑崎嶇形勢猶可想見南山以南地面寬博而多沙
磧唐書所謂多沙磧少壤土者也磧南喀什噶爾達里雅橫亘于前沙磧之
西西山遙拱所謂南有黃河西帶葱嶺者也以今證古其烏什之西南境為
古疏勒之東境灼然無疑惟建庭處所必居土沃水深之地應在今之喀什

噶爾

喀什噶爾

東至阿喇古接烏什界 東南至赫色勒布伊接葉爾羌界 西北俱接葱嶺通藩屬

喀什噶爾漢疏勒地在烏什西南九百三十里距京師一萬一千九百五十五

里城之東北一十里為霍爾干

木什特們兩河之間

又折東南二十里為伯什克勒木

木什郭喇而至東北境為特們郭勒又東行五十里至伊克斯哈拉西距城三十里

又東南一十里為阿爾巴特

與喀什噶爾城同在木什赫色勒兩

河之間

又東南一百一十里為赫色勒布伊

在兩河之間赫色勒雅

又南行六十里

阿汗里克自阿爾巴特東行踰河一百六十里為牌租阿巴特

在木什特們斯騰北

城

之東南少西三十里爲哈喇刻爾赫色勒木什支又南三十里爲提斯袞而又

東南三十里爲岳普爾和北傍雅雅爾又南行百十里爲英噶薩爾即英

即沙爾城也諭庫森譯斯騰而至所屬之地東北境曰察木倫西北境曰沙瑪拉西境曰特斯

又東少南七十里爲托璞魯克其東爲赫色勒察木倫城之北少東八十里爲玉

斯屯阿喇圖什自此迤東一百里爲阿喇古迤西八十里爲阿斯屯阿喇

圖什又西北八十里爲鄂什東南距城一百二十里又自玉斯屯踰山東北六十

里至烏什屬之巴爾昌城西南五里爲塞爾們兩河環帶與哈喇又三十五里

爲托克庫爾薩克在特爾墨楚克郭勒北又南踰河一百一十里爲塔什巴里

克傍山爲城係給布自托克庫爾折行八十里爲勒坡勒自此入

自鄂坡勒又西三百五十里爲和什庫珠克在哈喇庫又西南二百里爲阿

喇楚勒又二百里爲葉拉什勒庫勒以上三處在葱嶺偏北境爲境外地大兵追逆回

於葉什勒庫勒並以碑亭爲界及此乾隆二十七年建平定回疆勒銘紀功碑文

〔建置〕舊對音哈什哈爾回酋大和卓木波羅泥都舊居城也乾隆二十三年七月霍集占棄庫車而西將軍兆惠率師追之抵葉爾羌波羅泥都自喀什噶爾以衆馳赴與霍集占負嶠固拒相持葉爾羌城下累月大兵還次阿克蘇整軍進逆酋懼師之復至也霍集占自葉爾羌遁而西波羅泥都復入喀什噶爾盡驅其男婦出城縱火燒廬舍城門於燬脅之偕行衆勿從競入城守賊乃盡掠牲畜驅丁男千餘人踰山而西與霍集占俱遁大兵方自阿克蘇進兵指喀什噶爾舊伯克回民及從逆酋行脫歸者迎謁途次以其城降時二十四年閏六月二十四日也嗣設參贊大臣駐此統轄各城並設佐領協領兵防及章京侍衛各員其阿奇木並各城伯克皆如制三十一年復移駐參贊於烏什改設辦事大臣協辦大臣二員專理本境以佐領移駐烏什改設參領二員

嗣復改設領隊大臣一員
其辦事協辦大臣均裁撤

所屬藩屬逆回霍集占西竄布魯特比率所部人戶悉力與拒頗著戰功上嘉許之加其比爲散秩大臣授職塔什巴里克伯克即以其地賜之回民亦歸管轄其部下頭目賞賚有差令各散處於

什噶爾烏什葉爾
羗四山之中游收

〔沿革〕漢疏勒國治疏勒城有列市西當大月氏大宛康居道東漢永平中
龜茲攻殺其王立龜茲左候兜題爲疏勒王漢更立疏勒故王兄子忠爲王
後莎車屬疏勒疏勒以強北魏文成未遣使貢佛衣國內有大城十二小城
數十隋大業中入貢唐貞觀九年內附置都督府領州十五修列四鎮西域
傳一曰法沙王姓裴氏自號阿摩支居伽師城突厥以女妻之儀鳳時吐蕃
破其國開元中冊其君安定爲疏勒王宋疏勒國元至元十一年詔慰喀什
噶爾舊音合
失合兒明永樂時朝貢依耐三國屬疏勒後史不著其國

〔輿圖考證〕漢時南北两大山中近葱嶺者南則莎車爲大北則疏勒爲大
兩國對待其東西境必廣今自烏什南抵喀什噶爾達里雅西盡喀什噶爾
諸城西北至鄂什北倚天山當爲疏勒全境東境在今烏什說已見前若漢
書所謂疏勒城後漢所謂磐臺城楨中城唐書所謂迦師城北史所謂都城

方五里大城十二小城數十當不在沙磧彌望之區今之喀什噶爾正當疏勒西境山環水帶土地肥腴城堡鱗次可想見當日建庭之舊自此逾天山西行入布魯特界即漢書所謂西當大月氏大宛康居道形執猶存唐都督府應亦建此以列四鎮今南踰庫森諤斯騰百餘里至英噶薩爾揆厥方隅乃屬漢依耐國地依耐界居疏勒沙車之間疏勒爲今喀什噶爾莎車爲今葉爾羌以史北至疏勒南接子合之文證之其爲西至無雷東至莎車可擬而得後漢并屬疏勒其皆在大城十二之數歟五代之際疏勒隔不復通宋時于寘通而疏勒無聞惟元史謂合失合兒明史舊稱哈實哈兒與今喀什噶爾音讀相通尋聲求之固當非此莫屬至三國志引魏略楨中國莎車國竭石國渠沙國西夜國依耐國滿梨國倚若國榆令國捐毒國休修國琴國皆并屬疏勒是其西境兼涉葱嶺元明以來尙屬巴什伯里統焉耆龜茲爲一國疆域尤大是皆不得以今喀什噶爾所屬諸城盡之矣

又案喀什噶爾城西五百里爲和什庫珠克達巴

舊音霍斯庫魯克

又西三百里爲阿

勒楚勒

舊音阿爾楚爾

又西南二百里爲葉什噶庫勒淖爾

舊音伊西洱庫爾

入葱嶺中爲葱

嶺偏北境案阿喇楚勒北通布魯特南接拔達克山西行則踰葱嶺以漢書無雷國南與烏秣北與捐毒西與大月氏之文證之則阿喇楚勒一路即屬漢無雷國地無雷北魏爲鉢和魏書鉢和在渴槃陁西今葉爾羌西喀爾楚一帶爲渴槃陁國而鉢和西與之接其地正當在葱嶺之中更以唐書護密即元魏所謂鉢和橫一千六百里縱四五百里顯慶中爲烏飛州地當四鎮入土火羅道之文推之則四鎮在葱嶺東火土羅在葱嶺西魏鉢和唐護密固屬葱嶺中往來當道之國其即今入和碩庫珠克達巴一道正不必定其方隅之何在也漢難兜國在無雷西魏書波知國在鉢和西南正與今葉什勒庫勒方位相合波知傳云國有三池大池有龍王次者有龍婦小者有龍子今之淖爾廣數十里或即三池之舊歟

葉爾羌 東北至察特西林接阿克蘇界 東南至皮雅勒阿勒瑪接和闐界 西至喀爾楚入葱嶺南通拔達克山界 北至喀什噶

葉爾羌漢莎車地在阿克蘇西南一千三百五十里距京師一萬二千一百四

十里城之東五十里為伯什恰特又東北五十里拜林城西北一十五里為

密什雅爾又折東北一十八里為搭噶爾齊自密什雅爾西南行一十里為

諤爾多諤斯騰又二十里為阿喇勒 城東北為葉爾羌諤斯騰哈喇烏又環繞其南以上諸處皆在兩河之間 自密什雅

爾踰河北行三十里為阿汗里克又東北二百六十里為庫勒塔里木 南距城三

百里其東南境 有回庄數處 城之東北七百里為巴爾楚克 喀什噶爾達里雅經流其南自葉爾

北一百二十里賴里特又九十里邁納特又九十里阿朗格爾又六十里阿克薩克瑪拉爾又八十

里畢薩里克又七十里賽爾固努斯又七十里哲克得里克託海又一百里踰喀什噶爾達里雅至

此又東北八十里庫克轍爾又七十里汗阿里克又六十里烏圖斯克瑞又五十里伊拉都接阿克

蘇界又自巴爾楚克西行通喀什噶爾樹木叢茂小山如屏逆會霍集占自庫車亡命道經其間有

牲畜之民驅脅以去餘遭殺戮殆盡逆會伏誅後始還回民居此 又東北一百里為察特西林 葉爾羌東北盡境 其自巴爾楚

克西南一百二十里為呼拉瑪 在喀什噶爾達里雅南岸 城之南四十里為鄂端楚里克

踰哈喇烏 蘇至其地 迤東為雅哈阿里迤西為喀瑪喇克 阿喇勒踰河二 又東五十里喇

巴特齊又西一百十里喀喇古哲什

當喀喇烏蘇雙流交會之地

又西南二十里和什阿喇

布自雅哈阿里克迤西一帶俱北傍哈喇烏蘇

又折東南一百里為伊奇蘇寧阿勒斯

在喀瑪喇克之南東北距城一百里

自和什阿勒布又西一百里為色勒克郭勒

地以水名為葉爾羌西盡境自此入葱嶺中

自雅哈阿

里克南行三十里為坡斯恰木

隴河至其地

又迤西南一百二十里為呼木什恰

特南距葉爾羌大河五里其西南十里為舒帕俱在兩河之間

又南行

隴河七十里為裕勒阿里克

自是西南為漢西夜國地

又西

五里為庫克雅爾又折西北行二百里為塔克布伊又西南一百里為英額

齊盤依山為庄東北距城四百里自坡斯恰木迤西南一帶皆傍葉爾羌郭勒兩河之間

自呼木什恰特東南行

隴河二十五里為

沙圖又東少北五十里為伯什阿里克

又東五十里為托古斯恰特東行有沙磧

又東南行十里為

哈爾噶里克

隴提斯衰謬斯騰而至

又東南七十里為楚魯克

隴庫森謬斯騰至其地六十里皆沙磧至此有水草其西南十里為

貝又東十里為皮什南

有河出南山下北流饒水草

又東七十里固璫

隴河又東南八十里為

水濟東距庫什勒庫勒五里西距北城四百六十里

又東南四十里為恭得里克又六十里為都窪又折

東北行一百六十里為皮雅勒阿勒瑪

東境為黃水溝有鼠壤遺蹟距城六百六十里

自木濟南行四十

里爲章固雅

東傍庫什勒庫勒當孔道

又南行二十里爲薩納珠

古吉良鎮西南行達痕都斯坦

自木濟東

北行二百里爲阿克阿里克

東傍庫什勒庫勒不當孔道爲葉爾羌東盡境

自色勒克踰齊齊克里克達巴西南八十里爲塞爾勒克又西南一百五十

里爲喀爾楚

東距葉爾羌城五百里東北至喀什噶爾亦如之以上兩處爲葉爾羌東盡境

〔建置〕西域以葱嶺爲西屏葱嶺之東南北名城相望有若對待葉爾羌地

近南山尤爲極西門戶舊音葉爾奇木亦謂葉爾欽規模宏廠甲于他部居

民以土垣屏蔽穴垣爲戶僂僂出入屋宇毗連村庄最多康熙二十八年回

酋阿布都里什特爲準噶爾所執至三十五年大兵破準噶爾阿布都里什

特偕妻子來朝賜冠服遣送歸國後爲準噶爾所阻不獲內附乾隆二十三

年八月大兵次烏什霍集斯告將軍兆惠曰喀什噶爾西通布魯特安集延

皆賊仇也必不往賊將往葉爾羌東南聯和闐以爲援西南通拔達克山痕

都斯坦哈喇圖伯特以爲窟進退有所據勢難拔不能徑趨葉爾羌招徠和

闔要截拔達克山路一舉而克擒賊必矣兆惠從其計率師進霍集占聞之即擁馬步萬計保葉爾羌城其兄波羅泥都亦率兵往會近城多爲大坎兼築高臺以資守禦十月初六日大兵抵葉爾羌陣於城東賊與大兵三戰皆辟易自卯及申賊及敗軍中得偵者言賊俱在城南英額齊盤山舊音英
峨齊盤遂徙營轉攻城南師濟哈喇烏蘇甫四百騎橋斷賊乘機發兵繼進將軍明瑞兆惠分列三隊所當者破殺賊千人賊再敗軍自庫車遠至馬力不支且阻於泥淖引兵躡河退保大營賊衆四集合圍接戰五晝夜軍中羸糧足資三月守於是掘濠築壘以待援師二十四年正月富德統新訓兵來援阿里袞解馬千匹遂馳至乃振旅以還阿克蘇自是滿漢索倫察罕爾官兵皆星馳而至副將軍富德尙書舒赫德阿里袞領兵進勦至喀什噶爾城俱降逆回兄弟度大兵必再至必成擒棄城踰山遁于是葉爾羌之舊伯克回民等以全城降將軍留鄂對守之師進和闐凱旋將軍至葉爾羌設防兵均徭賦

定擬伯克奏于 朝遂 簡設葉爾羌辦事大臣一員各回城同時派設兼領隊事協

辦大臣一員印房章京二員辦理糧餉官一員初由本處補用無則廢員內由京揀發筆帖式三

員置滿營兵防管營佐領二員驍騎校二員卡倫侍衛共十三員並授鄂對

為葉爾羌三品阿奇木伯克其分理各城阿奇木及伯克遞相等差先是將

軍兆惠被圍愛隆阿據河駐後都統納本札爾副都統三泰奉命往代兆惠

馳至葉爾羌過愛隆阿營猝陷賊遇害至是勅于葉爾羌城南建雙義祠祀

之

案嗣改設鎮守葉爾羌等處地方總理回疆事務參贊大臣一鎮守葉爾羌等處兼管和闡事務協辦大臣一

〔沿革〕漢莎車國由鄯善傍南山北波河西至莎車為南道王莽之亂匈奴

略有西域惟莎車最強不肯服屬常勅諸子當世奉漢家建武五年立西域

大都護十四年莎車與鄯善詣闕貢獻于是西域始通十七年賜莎車王賢

西域都護印綬遂攻殺龜茲後于寘王廣德攻莎車而并其國匈奴復立莎

車王宣帝時班超發諸國兵攻之元和三年降漢三國時屬疏勒北魏時爲渠莎國居故莎車城隋以後并入于窠唐置毗沙都督府爲四鎮之一或曰斫句迦種或曰沮渠屬于窠地明始稱葉爾羌云

（輿圖考證）莎車爲漢古國東界于窠北連疏勒今和闐爲于窠采玉流證據猶在而喀什噶爾爲疏勒西境按諸史傳南有黃河西帶葱嶺之說合皆無可疑者今葉爾羌在喀什噶爾東南和闐西北應爲莎車故壤而又饒地利擅形勢儼然西域一大都會此莎車王所恃以憑凌與國者以莎車疏勒兩國全勢論之莎車在疏勒南范史稱東北至疏勒前漢書則云西至疏勒五百六十里者疏勒東西境廣各就邊界言之故不同也而前書稱自鄯善西行至莎車爲南道則莎車自屬南道極西附近葱嶺之國今葉爾羌城西直接葱嶺以是知爲莎車故城北魏號渠莎介於兩大漸就微弱周隋以來不著於史是爲于窠所并唐書疏勒東有斫句迦種一曰沮渠疑即北魏渠莎

之舊又地理志毗沙都督府注本于窰國是則莎車轉爲渠莎渠莎又轉爲毗沙故墟久屬于窰故直以毗沙名鎮也又載于窰由葦關西經勃野西北渡繫館河六百二十里至致支滿城一曰磧南州以道里計之自和闐西行諸郭勒以庫什勒庫勒爲大當即所謂繫館河者由葦關西六百餘里至致支滿城應卽今葉爾羌城元世祖于鴉兒看城置水驛與于窰并列是屬葉爾羌對音之訛耳漢西夜皮山兩國今屬葉爾羌以南境地方位較然漢書西夜治呼隄谷北與莎車接則西夜在葉爾羌南境治以谷名當附葱嶺而居者以今求之乃屬裕勒阿里克西南之地北魏時爲悉居半唐爲朱俱波是也漢皮山國西北通莎車三百八十里今葉爾羌東南至皮什南三百一十里是已入皮山國界又東至都窪有城垣去和闐三百五十餘里漢書載于窰西通皮山國三百八十里與唐書地理志里數相合是其爲皮山城無疑況與都窪城毗連者左有皮雅勒阿勒瑪右有皮什南皆與皮山字音相

近應當時悉屬皮山國地至其東北境至巴爾楚克察特西林境地而止在喀什噶爾達里雅北岸以水經注北河自疏勒逕流南河之北東南流逕疏勒城下南去莎車五百六十里之文證之是屬古疏勒東境所謂疏勒城者指今巴爾楚克之南而東注者言蓋知當時城郭隨在而有者也

案塞爾勒克喀爾楚在葱嶺中爲蒲犁國故壤與漢書東至莎車北至疏勒之文道里相合後漢德若即蒲犁且云與子夜合魏略並載蒲犁德若二國北魏渴槃陀在朱俱波西此宜屬元魏克槃陀地唐書所謂西南入劍末國六百里即其國也由此西北行通阿喇楚勒葉什勒庫勒西南行通拔達克山咸在葱嶺環帶之間若葱嶺千有餘里境幽勢阻宅國非一在漢則東爲蒲犁西爲無雷難兜無雷爲捐毒其大較也傳稱俱有互文以今考之則西夜在蒲犁之東南無雷在蒲犁之西北無雷北與捐毒接捐毒西上葱嶺爲休循則難兜北與休循按可知難兜又在無雷之西

和闐 東至克爾雅郭勒入沙磧又東至阿底爾千 西至卓窪勒謬斯騰接葉爾羌界 南至

和闐漢于窠

今額里齊城

在葉爾羌東南六百五十里距京師一萬二千一百五十

里城之東南三十里為玉隴哈什

玉隴哈什郭勒環抱之內民物殷庶無城垣居六城之一所屬有木普爾庄寶義莊

又東二

百里為爾車埒

民物繁庶無城垣居六城之一有河西北流入于沙磧

又東北二百里為克爾雅

有城垣居六城之一東傍克爾

雅郭勒為和闐最東境所屬有鹹和爾伊里庄哈爾魯克莊

自車埒東南一百八十里為塔克

民物繁庶無城垣居六城之一西有河發源南

山中北流

城之西北六十里為哈喇哈克

居六城之一東距郭勒二里西距卓窪勒謬斯騰二十里

又西十里

為博羅齊又自哈喇哈什郭勒迤西二十里為卓窪勒

氏居稠密由是西行隴黃水溝接葉爾羌界 城

西南一百二十里為皮什雅

有城垣不當孔道三面臨河各二十里玉石所自出

城之南為哈朝歸塔克

地以 托蘇拉固葉城之西為博爾烏匝克吉爾布斯喀藏城之北為瑪枯雅

爾烏哈什巴爾漢期伊克

諸村庄皆額里齊所屬

自玉隴哈什城北行一百里為勒沁

託海

東傍玉隴哈什郭勒

又北三十里為素勒坦雅伊拉克又七十里額克里雅爾又七

十里喀提里什

玉隴哈什疏勒經其東哈喇哈什疏勒經其西會於其北入和闐迤里雅西南距城三百三十里

又二十五里為塔喀

克又北六十五里爲瑪爾占郭勒氏東傍和闐又二十里吉拉木雅伊氏又

五十里巴里布克色木又四十里鄂托拉布克色木又六十里愛雅克布克

色木又八十里伯得里克鄂托克又九十里伯什阿喇勒又六十里齊克齊

鄂托克又一百二十里波斯湯托郭喇克西南距城九百四十里又北行七十里至哈喇烏蘇交阿克蘇界自和闐東北至阿克蘇

界幾及千里由阿克蘇南行至和闐亦如之自塔克東南行二百七十里爲阿勒屯郭勒地以水名又東

南一百里爲蘇格特爲漢渠勒國地又東二百里爲巴爾呼都克左右境山水環抱爲漢戎

與渠勒接僻南不當道又東北四百里爲阿氏爾干臨沙磧至此一水雙流環其境西距克爾雅郭勒約七百餘里皆沙磧爲漢精絕國地

(建置)額里齊舊對音伊立齊境內村庄櫛比最著者凡六城向受回酋和

卓木約束乾隆二十三年駐劄阿克蘇尙書舒赫德遣侍衛齊凌扎布噶布

舒及回長鄂對等傳檄往撫時逆回霍集占遣使在其地六城伯克聞有朝

使將至遂擊逐逆黨迎使臣入城傾心降服留鄂對等以鎮撫之後逆賊復

遣衆來攻鄂對等鼓勵降回分守三城相持兩月會兆惠自葉爾羌旋兵阿

克蘇統兵千名援赴和闐方困于賊而大兵適至偵知賊駐營哈喇哈什城時值大霧瀰漫遂乘霧薄賊營奮勇衝擊賊驚潰追數十里殲其渠魁阿布都海里克及和集雅斯二人鄂斯滿被創竄去和闐復定事在二十四年三月和闐回長漠咱爾巴霍集斯伯克長子也霍集斯以擒達瓦齊功得懋賞大兵討回部復自烏什赴軍營投誠從軍自効至是遣其子漠咱爾巴入覲西域既平設和闐辦事兼領隊大臣二員以下各官如今制授漠咱爾巴爲三品阿奇木伯克管理回民並設分理各城伯克遞相等差田賦與各部畧同惟和闐舊無商賈無雜稅徵收兩河產玉聽駐劄大臣採取量其所得入貢無定額嗣復改設辦事大臣一員

(沿革)于窰漢古國治西城南與塔羌北與姑墨接西通皮山國三百八十里東漢建武中莎車王賢攻并于窰永平中于窰將休莫霸反莎車自立後遂滅莎車而鄯善亦始強盛自葱嶺以東惟此兩國爲大魏黃初內附扞彌

國渠勒國皮尤國皆并屬焉周隋時入貢唐置毗沙都督府本于窠貞觀十二年內附初置州五高宗上元二年置府析州爲十宋時猶通中國明永樂中于窠來朝

案和闐爲于窠轉音西域諸國列代分併更置稱名不常惟和闐之爲古于窠自漢迄明猶存舊號

元史缺明永樂中入貢則其國存于元代明甚

列史多稱其奉佛教由晉以

來莫能訂其訛我朝西域列于版圖如前史所載地有河源山多美玉者歷歷可尋而回俗相沿不奉佛法和闐千古未易亦無所謂辟支舊跡者蓋史所稱釋經奉佛則當爲鄂翌峇乃天竺之印度其地迥不相涉自水經注始稱釋法顯自烏帝西南行得達其地國大乘學城南十五里有利刹寺寺中有石靴石上有足跡俗言是辟支佛跡魏收以下考史者遂據爲故寔

唐書謂老子化胡成佛之所

然辟支佛跡爲法顯佛國所未載道元已疑其無

據伏讀

純廟御製于窠考辨尤爲千古發蒙

(輿圖考證)考和闐在葱嶺東自葉爾羌至克爾雅東西千有餘里爲古于窠全境南山峙其南瑪雜爾塔克繞其北連山相次形勢猶存所屬舊有五城及鎮城爲六唐屬四鎮其地當吐蕃之衝是以假道勃律以取四鎮于窠乃首受其敝唐書指南山爲葱嶺謂在葱嶺北至明史尤沿其訛回人名玉爲喀什產南山者最良河發源於南山爲玉河因名曰喀什庫勒今額里城西南一百六十里至皮什雅其南爲玉隴喀什哈喇喀什兩郭勒發源處三面距河河以外連山環抱即漢書所謂南山玉石之所出也又西北爲皮雅勒阿勒馬今葉爾羌境距額里齊城一百九十里唐西域記瞿薩旦那王城西一百六十里大砂磧正路中有堆阜並鼠壤墳接其里數應尙在東境若以哈喇喀什爲王城西行一百六十里正在於是和窠東境至克爾雅而直北接阿蘇後漢書熹平中于窠攻拘彌殺其王戊己校尉西域長史各發

兵輔拘彌侍子定興爲王時人衆裁有千口其國接于窶三百九十里魏略
扞彌國并屬于窶今克爾雅以東爲于窶并有扞彌舊壤無疑以唐書于窶
東有建德力河河之東有汗彌居建德力城亦曰汗彌城之文證之其國猶
存于唐惟漢書始稱扞彌後漢曰拘彌魏謂扞彌唐又爲汗彌自扞至汗音
釋遞變耳又漢書姑墨南至于窶馬行十五日姑墨在今阿克蘇東所謂十
五日而至者即今自哈喇烏蘇南循和闐達里雅以南千餘里之路而唐書
自撥換南而東經崑崙渡赤河又西南經神山睢陽鹽泊又南經疏樹九百
三十里至于窶鎮城唐撥換城在今阿克蘇西循阿克蘇鄉勒東南行波喀
什噶爾達里雅葉爾羌諤斯騰即自撥換南而東經崑崙崙渡赤河者也神山
睢陽疏樹當在今波斯湯托郭喇克至勒沁托海南北千里間唐書地理志
于窶東凡三城東三百里曰坎城屬今車埕最東六百里曰蘭城當屬今克
爾雅則坎城當屬今塔克皆在六城之數城郭依然道里不爽又云故且末

城西經悉利支祇井勿遮水五百里至于賓東蘭城守捉則蘭城爲于賓東界可知今克爾雅屬和闐最東境是爲唐之故址也塔克河發源南山西北流經車埭磧入於砂磧應卽唐之媼摩川

又案漢書渠勒治都犍城東與戎盧北與扞彌接戎盧治卑品城東與小宛西與渠勒南與婁羌接今克爾雅東境爲漢扞彌國地則阿勒屯蘇特格皆在克爾東南境應漢渠勒國地蘇特格爲漢渠勒又東巴爾呼都克西與之接自當屬漢戎盧國地所謂都犍卑品兩城亦于是乎在阿氏爾于在巴爾呼都克西扎四百里踰沙磧至此一水雙流環帶其地西距克爾雅郭勒約七百餘里皆沙磧漢書精絕國南至戎盧四日行地扼隘西通扞彌四百里今巴爾呼都克爲漢戎盧正當其南境道里亦適相符通扞彌四百里者指界壤而言唐西域記汗彌爲瞿薩旦那東境從此東行入大流沙聚散隨風人行無跡遂多迷路行四百里至都貨邏國國久空曠城皆荒蕪阿氏于爾

正在和闐東沙磧之外以道里方向考之是屬漢之精絕唐之都貨邏國地無疑由是而東南爲礪什達爾烏蘭布遜塔克應屬古小宛地又東北五百里抵安西屬敦煌縣界則正漢書所謂出陽關最近自婁羌始而小宛東與羌婁接者也今以大較求之自出和闐境其偏東南之國爲古渠勒戎盧小宛正東之國爲扞彌精絕且末樓蘭攷證略見安西南路